

## **Dopune Zakona o koncesijama :**

### **1. Službene novine Tuzlanskog kantona broj : 7/05 od 23.08.2005.godine**

Na osnovu člana 24.stav.1 tačka c) Ustava Tuzlanskog kantona („Službene novine Tuzlansko-podrinjskog kantona“ br. 7/97 i 3/99 i „Službene novine Tuzlanskog kantona“ br. 13/99 , 10/00 , 14/02 , 6/04 i 10/04), na prijedlog Vlade Tuzlanskog kantona, Skupština Tuzlanskog kantona, na sjednici od 18.07.2005.godine,donosi

## **Z A K O N O DOPUNI ZAKONA O KONCESIJAMA**

### **Član 1.**

U Zakonu o koncesijama („Službene novine Tuzlanskog kantona“ broj 5/04),iza člana 7. dodaje se član 7a.,koji glasi :

#### „Član 7a.

Komisija ima pečat okruglog oblika prečnika 50mm sa sljedećim tekstom : Bosna i Hercegovina, Federacija Bosne i Hercegovine,Tuzlanski kanton, Komisija za koncesije Tuzlanskog kantona,Tuzla, sve ispisano latinicom na bosanskom i hrvatskom jeziku i ćirilicom na srpskom jeziku, u koncentričnim krugovima oko grba Kantona, koji se nalazi u sredini pečata.

Pored pečata iz stava 1. Ovog člana, Komisija ima, za posebne potrebe, pečat istog sadržaja i teksta, prečnika 25 mm“.

### **Član 2.**

Ovaj zakon stupa na snagu danom objavljivanja u „Službenim novinama Tuzlanskog kantona“.

Bosna i Hercegovina  
Federacija Bosne i Hercegovine  
TUZLANSKI KANTON  
Skupština  
Broj : 01-02-469-2/05  
Tuzla, 18.7.2005.godine

Predsjednik  
Skupštine Tuzlanskog kantona  
  
Mr.sci.Amir Fazlić v.r.

## **2. Službene novine Tuzlanskog kantona broj : 6/11 od 30.04.2011.godine**

Na osnovu člana 24.stav.1 tačka c) Ustava Tuzlanskog kantona („Službene novine Tuzlansko-podrinjskog kantona“ br. 7/97 i 3/99 i „Službene novine Tuzlanskog kantona“ br. 13/99 , 10/00 , 14/02 , 6/04 i 10/04),na prijedlog Vlade Tuzlanskog kantona, Skupština Tuzlanskog kantona, na sjednici od 28.04.2011.godine, donosi

### **Z A K O N O IZMJENAMA I DOPUNAMA ZAKONA O KONCESIJAMA**

#### **Član 1.**

U zakonu o koncesijama („Službene novine Tuzlanskog kantona“,br. 5/04 i 7/05),u članu 3.tačka 7. ispred riječi „lovstvo“ dodaje se riječ „privredno“, te ispred riječi „ribolov“ dodaje se riječ „privredni“.

U tački 8. riječi „u međugradskom prometu na području Kantona“zamjenjuju se riječima: „na kantonalnim linijama“.

Iza tačke 15. Dodaju se nove tačke 16) i 17),koje glase:

„16) korištenje snage vjetra u privredne svrhe,

17) korištenje sunčeve energije u privredne svrhe.“

#### **Član 2.**

Iza člana 4. Dodaje se novi član 4a.,koji glasi :

#### **„Član 4a.**

Zabranjeno je korištenje predmeta koncesija utvrđenih ovim zakonom bez zaključenog ugovora o koncesiji,ukoliko drugim zakonom nije drugačije utvrđeno.“

#### **Član 3.**

Član 20. mijenja se i glasi :

„Nadzor,provjeru rada koncesionara i praćenje izvršenja koncesionog ugovora vrši Komisija.

Komisija može,kada to zahtijevaju razlozi stručnosti,ovlastiti drugu osobu da obavlja nadzor iz stava 1.ovog člana.

Ovlaštena osoba iz stava 2. ovog člana može :

- stupiti u objekat ili imovinu koncesionara u bilo koje primjereno vrijeme,
- zahtijevati dostavljanje bilo kojeg podatka ili dokumenta koji je neophodan u obavljanju povjerenog mu nadzora.

Koncesionar ne smije ometati rad Komisije niti ovlaštene osobe.

Ministarstvo finansija Tuzlanskog kantona prati izvršenje koncesionih ugovora u pogledu plaćanja naknada za koncesije.

Inspeksijski nadzor nad provođenjem ovog zakona kao i radom koncesionara vrši nadležni inspektor.“

#### **Član 4.**

U članu 26. iza stava 6. dodaju se novi stavovi 7. i 8.,koji glase:

„U slučaju da za isti predmet koncesije,prije donošenja odluke o pristupanju dodjele koncesije,prijedlog za dodjelu koncesije dostave i drugi zainteresovani ponuđači,njihovi zahtjevi se ne mogu uzeti u razmatranje.

Ukoliko se ne zaključi ugovor o koncesiji na osnovu samoinicijativne ponude prvog podnosioca,provodit će se postupak dodjele koncesije putem javnog poziva.“

### **Član 5.**

U članu 27.stav 1. u tački 3. iza riječi : „koncesiju“ briše se tačka i zarez i dodaju riječi :“i osiguravanju bankovne garancije u periodu trajanja ugovora o koncesiji,prihvatljive za koncesora“.

### **Član 6.**

Iza člana 27. dodaje se novi član 27a.,koji glasi:  
„Registar koncesija

### **Član 27a.**

Ugovor o koncesiji se upisuje u jedinstveni registar koncesija koji vodi Komisija.  
Komisija donosi pravilnik o ustroju i vođenju registra koncesija“.

### **Član 7.**

U članu 28. stav 1. mijenja se i glasi :  
„Naknade za koncesije utvrđene ugovorom o koncesiji predstavljaju prihod Kantona i općina na čijem se području nalazi predmet koncesije,a raspoređuju se u omjeru 80% u korist općina i 20% u korist Kantona“.

### **Član 8.**

U članu 33. u stavu 1. riječ „Komisije“ zamjenjuje se riječima „Vlade Kantona“.

### **Član 9.**

U članu 34. u stavu 1. broj „5.000,00“ zamjenjuje se brojem „3.000,00“ ,a broj „20.000,00“ zamjenjuje se brojem „10.000,00.“

U stavu 1. alineja 1. mijenja se i glasi :

„- ako koncesionar ometa rad Komisije ili ovlaštene osobe (član 20. Stav 4.).“

U istom stavu u alineji 3. riječ „Komisije“ zamjenjuje se riječima „Vlade Kantona.“

Stav 2. mijenja se i glasi :

„Za prekršaj iz stava 1. Ovog člana kaznit će se odgovorna osoba u pravnoj osobi novčanom kaznom u iznosu od 1.000,00 do 3.000,00 KM.“

Iza stava 2. dodaje se novi stav 3. koji glasi :

„Za prekršaj iz stava 1. ovog člana kaznit će se fizička osoba koja djeluje po ovlaštenju koncesionara novčanom kaznom u iznosu od 500,00 do 1.500,00 KM.“

### **Član 10.**

U članu 35. u stavu 1. u alineji 1. riječi : „stav 2.“ Zamjenjuju se riječima „stav 3.“

U istom stavu u alineji 2. riječi „stav 2.alineja 3.“ Zamjenjuju se riječima „stav3. alineja2.“

Stav 2. mijenja se i glasi :

„Za prekršaj iz stava 1.ovog člana kaznit će se odgovorna osoba u pravnoj osobi novčanom kaznom u iznosu od 800,00 do 2.500,00 KM.“

Iza stava 2. dodaje se novi stav 3.,koji glasi :

„Za prekršaj iz stava 1. ovog člana kaznit će se fizička osoba koja djeluje po ovlaštenju koncesionara novčanom kaznom u iznosu od 500,00 do 1.500,00 KM.“

### **Član 11.**

Član 37. mijenja se i glasi :

„Novčanom kaznom u iznosu od 5.000,00 do 15.000,00 KM kaznit će se pravna osoba koja koristi,odnosno obavlja djelatnost koja je predmet koncesije iz člana 3. Ovog zakona bez zaključenog ugovora o koncesiji (član 4a.).

Za prekršaj iz stava 1.ovog člana kaznit će se odgovorna osoba u pravnoj osobi novčanom kaznom u iznosu od 1.000,00 do 3.000,00 KM.

Za prekršaj iz stava 1.ovog člana kaznit će se fizička osoba novčanom kaznom u iznosu od 500,00 do 1.500,00 KM.

Uz novčanu kaznu, za prekršaj iz stava 1. ovog člana pravnoj i fizičkoj osobi može se izreći zaštitna mjera zabrana obavljanja djelatnosti koja je predmet koncesije iz člana 3. Ovog zakona, u trajanju od šest mjeseci.

### **Član 12.**

Ovaj zakon stupa na snagu osmog dana od dana objavljivanja u „Službenim novinama Tuzlanskog kantona“.

Bosna i Hercegovina  
Federacija Bosne i Hercegovine  
TUZLANSKI KANTON  
Skupština  
Broj : 01-02-488-15/10  
Tuzla, 28.04.2011. godine

Predsjednik  
Skupštine Tuzlanskog kantona

Bajazit Jašarević, v.r.

### **3. Službene novine Tuzlanskog kantona, broj: 1/13 od 11.02.2013.godine**

Na osnovu člana 24.stav 1. tačka c) Ustava Tuzlanskog kantona ("Službene novine Tuzlansko-podrinjskog kantona", broj: 7/97 i 3/99 i "Službene novine Tuzlanskog kantona", broj: 13/99, 10/00, 14/02, 06/04 i 10/04), na prijedlog Vlade Tuzlanskog kantona, Skupština Tuzlanskog kantona, na sjednici održanoj 30.01.2013.godine, donosi

## **Z A K O N**

### **O IZMJENAMA I DOPUNAMA ZAKONA O KONCESIJAMA**

#### **Član 1.**

U Zakonu o koncesijama ("Službene novine Tuzlanskog kantona", broj: 5/04, 7/05 i 6/11), u članu 3. tačke 16. i 17. brišu se.

#### **Član 2.**

Stupanjem na snagu ovog zakona, postupci dodjele koncesija u smislu dosadašnjeg člana 3. tačke 16. i 17. obustavljaju se, a svi donešeni akti u okviru tih postupaka stavljaju se van snage.

#### **Član 3.**

Ovaj zakon stupa na snagu danom objavljivanja u „Službenim novinama Tuzlanskog kantona“.

Bosna i Hercegovina  
Federacija Bosne i Hercegovine  
TUZLANSKI KANTON  
Skupština  
Broj : 01-02-40-5/13  
Tuzla, 30.01.2013.godine

Predsjednik  
Skupštine Tuzlanskog kantona  
Slađan Ilić, v.r.

#### **4. Službene novine Tuzlanskog kantona, broj: 11/14 od 22.08.2014.godine**

Na osnovu člana 24.stav 1. tačka c) Ustava Tuzlanskog kantona (“Službene novine Tuzlansko-podrinjskog kantona”, broj: 7/97 i 3/99 i “Službene novine Tuzlanskog kantona”, broj: 13/99, 10/00, 14/02, 06/04 i 10/04), na prijedlog Vlade Tuzlanskog kantona, Skupština Tuzlanskog kantona, na sjednici održanoj 05.08.2014.godine, donosi

## **Z A K O N**

### **O DOPUNI ZAKONA O KONCESIJAMA**

#### **Član 1.**

U Zakonu o koncesijama (“Službene novine Tuzlanskog kantona”, broj: 5/04, 7/05, 6/11 i 1/13), u članu 28. iza stava 1. dodaje se novi stav 2., koji glasi:

„Oprihodovat će se dio prihoda ostvarenih od naknada za koncesije koje pripadaju Budžetu Tuzlanskog kantona, a koje su ostvarene a neutrošene do 31.12.2014.godine.“

Dosadašnji stav 2. postaje stav 3.

#### **Član 2.**

Ovaj zakon stupa na snagu danom objavljivanja u „Službenim novinama Tuzlanskog kantona“.

Bosna i Hercegovina  
Federacija Bosne i Hercegovine  
TUZLANSKI KANTON  
Skupština  
Broj : 01-02-496-4/14  
Tuzla, 05.08.2014.godine

Predsjednik  
Skupštine Tuzlanskog kantona,  
Slađan Ilić, s.r.